

Cecilia G. De Guilarte tolosarraren gerrako kronikak bildu eta liburu bat argitaratu dute Julen Lezamiz eta Guillermo Tavernillak; atzo aurkeztu zuten Ana Maria Ruiz alabarekin batera, Tolosako udaletxean.

Gerrako bizipenak paperean

INIGO TERRADILLOS

Aitzindaria izan zen Cecilia G. De Guilarte (Tolosa, 1915). Lehenengo emakumezko gerra korrespontsala izan zen Euskal Herrian. 1936 eta 1937 urteetan Gipuzkoa, Bizkaia, Santander eta Asturiasko fronteen berri eman zuen. Orain, Julen Lezamiz eta Guillermo Tavernillak bere kronikak *Cecilia G. De Guilarte, reporter de la CNT, Sus cronicas de guerra* liburuan bildu dituzte. Hain zuzen ere, atzo arratsaldean aurkeztu zuten liburua Tolosako udaletxean Ana Maria Ruiz—Cecilia G. De Guilarteren alabetako bat eta Julen Lezamiz eta Andoni Iturzaetak.

Gertakizunen lekuan

Liburuaren egileek diotenez, topikoetatik urruntzen zen gerraren ikuspegia eskaini zuen *CNT Norte* egunkarian eginiko kroniketan. Emakume borrokalaria izan zen, eta horren erakusle da gerrako gertakizunak gertu gertutik bizi izan zituela, milizianoen ondoan,



Ezkerrean liburuaren azala, eta eskuinean, Cecilia G. De Guilarte. HITZA

gero kronikak idazteko. Ezagutu zutenek albistearen atzetik egiten zuela lan diote, «arriskuan egon zitezkeela kontuan hartu gabe». Esaterako, Irungo batailan izan zen, Bilboko kaleetan 1937ko urtarrilaren 4ko gertakari izugarrietan eta Cimadevillan Isaac Puente batailioan. Lehenengo pertsona idazten zuen, zentsurari beldurrik gabe, pasioz, konbentzionalismo-etatik urrun eta gizateritik hurbil. Gero, erbestean Mexikon egon



zen, eta han nobela ere landu zuen. Liburu honek Cecilia nolakoa zen erakusten du bere kroniken bidez.

«Oso harro nago nire amarekin»

Ana Maria Ruiz Cecilia G. De Guilarteren 3 alabetako bat da. Julen Lezamiz eta Guillermo Tavernillak eginiko lanaren aurretik ez zutela bere amak eginiko lana ezagutzen azaltzen du. «Bagenekien gerraren kronikak idazten zituela,

baina ez zein egunkaritan». Aita komandantea zen, eta bere inguruko liburuak ere argitaratu dituzte, eta hain zuzen ere lan horien bidez jakin zuten Guilarteren lana nolakoa izan zen, eta hortik etorri zen berari buruzko liburu bat egitearena.

CNT Norte, *El Liberal* eta *El Frente* egunkarietarako egiten zuen lan, eta «iparraldeko eremua galdu zen arte jarraitu zuen». Oso gazte zela hasi zen lanean. «Pentsa, 11 urterekin Bartzelonako egunkari baterako ere idatzi zuen, gero, 19 urterekin Madrilerajoan zen; asko borrokatu zuen, emakume bezala bakarrik zegoen gainera». Mexikon ere idazten zuen, gerrari buruzkoak idazteko eskatu baitzioten han, eta hona etortzean jubilatzen arte jarraitu zuen.

1989 hil zen 73 urte zituela. «Oso harro nago nire amak egin zuena-rengatik, asko miresten dut, geroz eta gehiago, baina pena ere ematen dit, izan ere, asko ari dira bere bizitzaz idazten orain, eta berak ezin du hori guztia ikusi».

Gaur izango da Uxola Literatur Sarien XXII. Lehiaketaren sari banaketa

Tolosa » Lehen eta Bigarren Hezkuntzako idazleek hartzen dute parte; 18:00etan izango da Kultur Etxean.

ERREDAKZIOA

Uxola Literatur Sarien XXII. Lehiaketaren sari banaketa ekitaldia izango da, gaur, 18:00etan, Antonio Maria Labaien kultur etxeko areto nagusian.

Ekitaldi honetan, irabazle suertatu direnen izenak esateaz gain, aurtengo Uxola literatur lehiaketaren liburuaren aurkezpena ere egingo dute. Juan Kruz Igerabide idazlea ariko da poesia errezitatzeko, eta Oihane bere alaba harpajotzaileak hainbat pieza joko ditu. Tartean irabazle guztiak batera argazkia ere aterako dute. Udaleko Euskara eta Hezkuntza batzordeak antolatutako sarietan, Lehen eta Bigarren Hezkuntzako idazle gazteek hartzen dute parte, eta maila bakoitzeko hiru lan bozkatuenak saritzen dira, hizlauan eta poesian.



Kontsumoa murrizteko bideak

INGURUMENA » Aste Berdearen baitan kontsumo txiki-konbilen banaketa egin zuten atzo Berazubi plazan. Herritarrek gerturatu ziren, informazioa jasotzeaz gain, bonbilak hartzera. Aste Berdearen ekitaldiak

jarraitzen dute eskualdean, izan ere, udal langileak gidatze iraunkorren ikastaroa ari dira egiten, eta gaurtik etzira Ernioaldea 21eko Udaletako herritarrei erosteko poltsa berrerabilgarriak banatuko die. I.T.

Tolosa-Ibarrako alebinak hirugarren eta laugarren, Gipuzko txapelketan

Tolosa » Iragan igandean jokatu zuten Kutxa Topaketaren finala; «oso txapelketa ona» egin dute eskualdeko bi taldeek.

ERREDAKZIOA

Pasa den igandean Kutxa Topaketaren finala jokatu zen Donostian, eta bertan eskualdeko ordezkari-tza izan zen; izan ere, Tolosa-Ibarratik bi talde alebin sailkatu ziren aurreko fasean eta han izan ziren biak lehian. «Oso txapelketa ona» egin zuten eta bata nahiz bestea fi-

nalerdietaraino iritsi ziren. Finalerdietan galdu egin zuten biek eta elkarren aurka jokatu behar izan zuten txapelketaren hirugarren postua eskuratzeko.

Azkenean, Mikel Muguruza, Unai Mendizabal, Danel Intxaurren, Mikel Arechaga, Igor Mendizabal eta Javier Herrero osatutako taldea hirugarren izan zen, eta Alexander de la Cuesta, Jone Mujika, Oier Otxoa, Asier Arozena eta Aitana Eizagirrek osatutako laugarren. Emaiza bikaina Tolosa-Ibarrako alebinentzat, Gipuzkoako hirugarren eta laugarren postuak eskuratuta.

txokoa

kontzerturako
5 sarrera pare zozketan
deitu eta eskuratu

Ostirala
ekainak 13 • 20:30ean
Tolosako Leidorren

Arimaz Kamera Orkestra

Irungo Sokazko Orkestra Eskolak eskainia

